

Meeqqanut tapiissutit pillugit Namminersorlutik Oqartussat nalunaarutaat

Meeqqanut tapiissutit pillugit Inatsisartut inatsisaanni nr. 9, 7. december 2009-meersumi, Inatsisartut inatsisaanni nr. 7, 27. november 2018-imi allanngortinneqartumi, § 6, imm. 5, aamma § 10, imm. 2 naapertorlugit aalajangersarneqarpoq:

Kapitali 1

Meeqqanut tapiissutit naatsorsorneqarnerat

§ 1. Meeqqanut tapiissutit aningaasarsiat apeqqutaatillugit tunniunneqassapput aamma maannakkorpiaq aningaasarsiat aallaavigalugit naatsorsorneqassapput, procenti aaqqiissutissaq aamma maannakkorpiaq aningaasarsiat pillugit tak. § 5.

Kapitali 2

Meeqqanut tapiissutit tunniussinissaq

§ 2. Kommunalbestyrelsip aalajangissavaa, meeqqanut tapiissutit qanoq ilillugit tunniunneqartassanersut, piumasaqaatigisinnaavaalu, meeqqanut tapiissutit pisartagalik aningaasaateqarfimmi kontomik assigisaanilluunniit, tapiissutit ikisiffusinnaasumik paasissutissiissasoq. Imm. 2. Meeqqanut tapiissutit qaammammut 100 kr.-t inorpatigit tunniunneqartassanngillat.

§ 3. Meeqqanut tapiissutit tunniunneqarneranni meeqqanut tapiissutit pisartagalik ilisimatinneqassaaq:

- 1) meeqqanut tapiissutit tigusinermut atatillugu piumasaqaatit pillugit
- 2) naatsorsuinerit tunngavigineqartoq pillugu
- 3) pissutsit meeqqanut tapiissutit tunniussisarnerit pingaaruteqartunik allannguuteqarnermik paasissutissiisussaatitaaneq pillugu.

Imm. 2. Kommunimut allamut nuunnermi, kommuni nuuffigineqartoq paasissutissanik meeqqanut tapiissutit annertussusissaannik naatsorsuinissamut pisariaqartinneqartunik pissarsiniassalluni pissusaavoq. Kommuni nuuffigineqartup paasissutissat suliamut attuumassuteqartut inunnik nalunaarsuiffimmut akileraartarnermillu ingerlatsivimmut pissarsiariniassavai.

§ 4. Meeqqanut tapiissutit tunniunneqarneri meeqqamut iluaqutaanngitsut uppersarneqarpat, kommunalbestyrelsip aalajangersinnaavaa, meeqqanut tapiissutit aqussallugit imaluunniit tapiissutit

tamakkiisumik ilaannakortumilluunniit inuussutissanngoreerlugit tunniunneqartassasut.

Imm. 2. Meeqqanut tapiissutininik tunniussinermi nioqqutissanik pisissutissanngorlugit (rekvisition) pisassapput.

Kapitali 3

Nakkutiginninneq

§ 5. Meeqqanik tapiissutininik tiguisartooq pisussaaffeqarpoq pissutsit tamaasa meeqqanut tapiissutit annertussusissaannik naatsorsuisarnermut uppernarsaatit pingaaruteqartut paasissutissiissutigissallugit tunniullugillu.

Kapitali 4

Atortuulersitsineq

§ 6. Nalunaarut manna 1. januar 2019 atortuulersinneqarpoq.

Imm. 2. Peqatigitillugu Meeqqanut tapiissutit pillugit Namminersorlutik Oqartussat nalunaarutaat nr. 19, 18. oktober 2012-imeersoq atorunnaarsinneqarpoq.

Namminersorlutik Oqartussat, 14. december 2018

Martha Abelsen

/

Julie Præst Wilche

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut